



Broj: 04-1602- 2 /24

Datum: 31.07.2024. godine

Upravni odbor Zavoda za zapošljavanje Brčko distrikta BiH, na osnovu člana 17. tačka c) Zakona o zapošljavanju i pravima za vrijeme nezaposlenosti Brčko distrikta BiH ("Službeni glasnik Brčko distrikta BiH" broj 1/23 i 19/23), člana 27 tačka a) Statuta Zavoda za zapošljavanje Brčko distrikta BiH – prečišćeni tekst (br. 04-111/20, 04-1372/20) i člana 17. stav (2) Pravilnika o mjerama za podsticaj zapošljavanja – prečišćen tekst (br. 04-115/20 i 04-170/23), realizujući Ugovor o korištenju grant sredstava potpisan između Ministarstva za ljudska prava i izbjeglice BiH i Zavoda za zapošljavanje Brčko distrikta BiH broj: 01-1709-2/23 od 27.12.2023. godine i akta Ministarstva za ljudska prava i izbjeglice BiH broj: 07-39-1904-4/23 od 19.07.2024. godine, donio Odluku broj 04-1602/24 od 31.07.2024. godine, da se objavi

JAVNI POZIV

poslodavcima za zapošljavanje Roma sa evidencije Zavoda za zapošljavanje Brčko distrikta BiH

I – PREDMET POZIVA

Podsticaj za zapošljavanje nezaposlenih lica, Roma, evidentiranih u Zavodu za zapošljavanje Brčko distrikta BiH (u daljem tekstu: Zavod), u svrhu implementaciju projekta „**Inkluzivno zapošljavanje Rom(a)/kinja u Brčko distriktu BiH**“, sredstvima koja obezbjeđuje Ministarstvo za ljudska prava i izbjeglice BiH u iznosu od

12.000,00 KM.

II – DODJELA SREDSTAVA

Sredstva namijenjena za sufinansiranje zapošljavanja Roma kod poslodavaca mogu biti plasirana, kako slijedi:

- za sufinansiranje poslodavaca, na period od 12 mjeseci u iznosu od 6.000,00 KM, za svakog zaposlenog Roma,

Po ovom Javnom pozivu poslodavcu se može se odobriti sufinansiranje zapošljavanja, maksimalno, 1 (jednog) lica iz reda Roma sa evidencije Zavoda .

Nakon potpisivanja ugovora Zavod, po dostavi dokumentacije predviđene istim, isplaćuje ugovoreni iznos korisniku sredstava, mjesečno, u 12 jednakih rata, ili u jednokratnom iznosu pod uslovom da je korisnik sredstava dostavio bankarsku garanciju koja glasi na ukupan iznos sredstava podsticaja, na period od, minimalno, 16 mjeseci, ukoliko je ugovor zaključen na 12 mjeseci, (ugovorom će biti preciziran rok na koji garancija treba biti izdata).

III – PRAVO I USLOVI UČEŠĆA

Za sredstva iz Javnog poziva mogu konkurisati poslodavci koji obavljaju registrovanu djelatnost u Brčko distriktu BiH i koji su/će zaposlili/ti lice koje je, izjašnjen/a kao Rom/Romkinja na evidenciji Zavoda, pod uslovima utvrđenim Javnim pozivom i Pravilnikom.

IV – PODNOŠENJE ZAHTJEVA ZA KORIŠTENJE SREDSTAVA

Uz zahtjev za korištenje sredstava, poslodavac prilaže popunjen i ovjeren obrazac programa zapošljavanja koji sadrži:

- izjavu da ispunjava sve uslove tražene Javnim pozivom za dodjelu sredstava podsticaja,
- podatke o kriterijima na osnovu kojih će se izvršiti bodovanje programa poslodavaca,
- pregled lica sa evidencije Zavoda koja je poslodavac zaposlio/namjerava zaposliti po Javnom pozivu,



Poslodavci koji ispunjavaju uslove za dodjelu sredstava podsticaja, saglasno članu 10. Pravilnika dužni su, u roku od 10 dana od dana objave liste na oglasnoj tabli i internet stranici Zavoda, dostaviti sljedeću dokumentaciju:

- a) kopiju rješenja o osnivanju pravnog lica ili preduzetnika,
- b) kopija obaveštenje o razvrstavanju poslovnog i drugog subjekta prema djelatnosti,
- d) kopiju ovjerenih specifikacija / rekapitulacija i MIP-ova, isplaćenih bruto plata za sve zaposlene radnike,
- e) dokaz da se ne vodi stečajni, odnosno likvidacioni postupak,
- f) drugu dokumentaciju za koju Zavod ocijeni da može biti od značaja prilikom rješavanja zahtjeva.

V – USLOVI ZA ODOBRENJE SREDSTAVA

Sredstva iz ovog Javnog poziva, saglasno članu 12. Pravilnika, mogu se odobriti poslodavcu ukoliko ispunjava sljedeće uslove:

- a) da je registrovan, odnosno da je izvršena registracija djelatnosti u skladu sa zakonom,
- b) da izmiruje obaveze po osnovu direktnih poreza i doprinosa u skladu sa zakonom,
- c) da izmiruje obaveze po osnovu bruto plata,
- d) da se prema poslodavcu ne vodi stečajni, odnosno likvidacioni postupak,
- e) da zapošljava nezaposleno lice iz reda Roma sa evidencije Zavoda koje ima prebivalište u Distriktu, ne kraće od tri mjeseca prije objavljivanja Javnog poziva,
- f) da ne zapošljava nezaposleno lice kome je radni odnos prestao kod istog poslodavca u posljednja 24 mjeseca (poslodavac dostavlja kopiju radne knjižice za lice koje zapošljava),
- g) da broj zaposlenih na neodređeno vrijeme, na dan objavljivanja Javnog poziva, nije manji od broja zaposlenih na neodređeno vrijeme na dan 31.12.2023. godine,
- h) potpisanu i ovjerenu izjavu, od strane poslodavca koji aplicira, o prijavi radnika na Fond penzijsko-invalidskog osiguranja Republike Srpske - PIO RS ili Federalni Zavod za penzijsko-mirovinsko osiguranje PIO/MIO, ili su radnici prijavljeni kod PIO RS i PIO/MIO Federacije BiH,
- i) da ispunjava i druge uslove utvrđene Zakonom, Pravilnikom Zavoda i ovim Javnim pozivom.

Izuzetno u odnosu na stav (1) tačka g) ovog člana, poslodavcu koji je imao smanjenje ukupnog broja zaposlenih na neodređeno vrijeme, u navedenom periodu, mogu se dodijeliti sredstva za podsticaj zapošljavanja pod uslovom da je do smanjenja došlo:

- a) zbog smrti ili penzionisanja radnika,
- b) svojevrijemnog prestanka radnog odnosa ali, pod uslovom, da umjesto tog radnika, do momenta zaključivanja Javnog poziva, poslodavac primi drugog radnika u radni odnos na neodređeno vrijeme.



VI – ODBACIVANJE ZAHTJEVA

Saglasno članu 19. Pravilnika, Komisija neće vršiti obradu i ocjenu programa poslodavca za korištenje sredstava za sufinansiranje zapošljavanja i predložice odbacivanje istog ukoliko:

- ne ispunjava uslove iz Zakona, Pravilnika i ovog Javnog poziva,
- ne dostavi potpun zahtjev,
- nadležni organ uprave u tekućoj godini utvrdi i Zavodu dostavi akt da je kod poslodavca utvrđen rad lica bez ugovora o radu, ili ga poslodavac nije prijavio na zdravstveno i penzijsko-invalidsko osiguranje,
- nadležni organ uprave u tekućoj godini utvrdi da lice obavlja samostalnu djelatnost koja nije registrovana u skladu sa zakonom.

Poslodavcu koji, po prethodno odobrenom programu zapošljavanja, nije uredno izvršio ugovorom preuzete obaveze, saglasno članu 20. stav (2) Pravilnika, sredstva neće biti dodijeljena najmanje u trajanju od dvije kalendarske godine, počev od godine u kojoj je raskinut ugovor zbog neizvršenja ugovorom preuzetih obaveza.

Odredbe prethodnog stava neće se primjenjivati na one poslodavce sa kojima je raskinut ugovor, a u trenutku raskida ugovora prema njima nije bilo novčanih potraživanja.

VII – PRAVA I OBAVEZE

Međusobna prava, obaveze i odgovornosti između Zavoda i korisnika sredstava regulisaće se ugovorom u skladu sa Pravilnikom o mjerama za podsticaj zapošljavanja.

VIII – ROK ZA PODNOŠENJE ZAHTJEVA

Javni poziv počinje teći od 01.08.2024. godine i isti će biti otvoren do utroška sredstava obezbijeđenih Javnim pozivom, a najkasnije do 29.11.2024. godine.

Zavod će kontinuirano rješavati podnesene zahtjeve poslodavaca po ovom Javnom pozivu, prema dinamici podnošenja istih. Prednost prilikom rangiranja imaće poslodavci koji ranije podnesu zahtjev, pod uslovom da i poslodavac i nezaposleno lice ispunjavaju tražene uslove.

Obrazac zahtjeva sa priložima zainteresovani poslodavci mogu preuzeti na stranici Zavoda www.zzzbrcko.org ili u kancelariji broj 9., u Zavodu, gdje se isti i predaje.

Sve potrebne informacije zainteresovani poslodavci mogu dobiti u Zavodu, ili na sljedeće brojeve telefona broj: 049/217-411, 049/233-661.

Neblagovremeno dostavljeni zahtjevi neće biti uzeti u razmatranje.

O rezultatima Javnog poziva učesnici će biti obaviješteni, isključivo, putem Web stranice i oglasne table Zavoda.


Predsjednik Upravnog odbora
Tatjana Vuković
/ Tatjana Vuković, mr.sci /